




LE GOUVERNEMENT
DU GRAND-DUCHÉ DE LUXEMBOURG
Ministère de l'Environnement, du Climat
et du Développement durable

Luxembourg, le 03 MAI 2019



Service central de législation
Monsieur Marc Hansen
Ministre aux Relations avec le Parlement

Objet : Question parlementaire 545

Monsieur le Ministre,

J'ai l'honneur de vous communiquer en annexe la réponse à la question parlementaire n°545 tout en vous priant de bien vouloir en assurer la transmission à Monsieur le Président de la Chambre des Députés.

Recevez, Monsieur le Ministre, l'expression de mes sentiments distingués.

La Ministre de l'Environnement, du Climat
et du Développement durable,

Carole Dieschbourg

Gemeinsam Äntwert vun der Ministesch fir Ëmwelt, Klima a nohalteg Entwécklung an dem Minister fir Mobilitéit an ëffentlech Aarbechten un d'parlamentaresch Fro n°545 vum 22. März 2019 vum honorabelen Deputéierten Här Jeff Engelen

« Am Fréijoer wandere d'Fräschen a Mouken op hir Laichplaz, wat normalerweis hir Gebuertsplaz ass. Dëst bréngt et dann mat sech, datt si op hirer Wanderung eenzel Stroossen mussen iwwerwannen a vill vun dësen Déiercher iwwerliewen dëst net. Méi oder wéineger sinn all dës Platze bekannt, wou si iwwert d'Strooss mussen. Eenzel Stroossen hunn een Tunnel, anerer net.»

Introduktioun:

- Vu Mëtt Februar un, esoubal d'Temperature méi héich ginn (+/- 6°C nuets) an et fiicht ass, wandere virun allem Grasfräschen a brong Mouken op hir Läichplazen, woubäi si méi wéi 2 km wandere kënnen.
- D'Fragmentatioun vun eise Landschaften, notamment duerch d'Präsenz vun engem grouse Verkéiersnetz, verursaacht eng héich Amphibiemortalitéit.
- Et existéiere puer Léisungen, fir dësem entgéint ze wierken, wéi z.B.:
 - Installatioun vu Schëlde;
 - Temporär Stroosspären (tëschent +/- 19.00 bis 7.00);
 - Periodesch Installatioun vun Zénk aus Plastikfolie;
 - Ariichtung vu permanente Léisunge wéi z.B. d'Baue vu Moukentunnellen.
- D'Installatioun vu Leitsystemer a Moukentunnellen ass immens wichteg, trotzdem darf een den Entretien vun dësen Amphibieschutzanlagen net vergiessen. Wann dat net de Fall ass, kënnen dës Strukturen hir Roll net erfëllen. Enn 2018 huet d'Naturverwaltung (ANF) eng Etude an Optrag ginn, déi déi bestoend Strukturen analyséiert a Verbesserungsrecommandatiounen proposéiert.

Gëtt et ee Relevée vun all dëse Stroossen, wou d'Fräschen driwwer wandere?

Eng Iwwersicht vun all deene bekannte Standuerter, wou dës Problem opgetrueden ass, ass schonn 2003 vum Här Roland Proess am Ferrantia n°37 "Verbreitungsatlas der Amphibien des Großherzogtums Luxemburg" publizéiert ginn. Dës Lëscht war 2016 aktualiséiert ginn, wéi den Här Proess de Ferrantia n°75 publizéiert huet. Béid Lëschte waren zesummen mam Här François Schoentgen, pensionnéierte Mataarbechter vum Ministère du Développement Durable et des Infrastructures, ausgeschafft ginn.

Wahrscheinlech si béid Lëschten net vollstänneg. Sou huet d'ANF Ufangs 2019 d'Initiative ergraff, fir zesumme mat senger Fierschteren méi Donnéeën iwwert dës Sujet ze sammelen. Och natur&ëmwelt war an dësem Kontext kontaktéiert ginn.

D'Zil ass, fir duerno zesumme mat der Administration des Ponts et Chaussées an den zoustännegen Ministère, dës Problem esouwäit wéi méiglech ze reduzéieren.

Wär den Här Minister bereet, kuerzfristeg op eenzel Stroossen en Tunnel unzebréngé bei eenzele Passagen, déi ons bekannt sinn, ewéi tèschent Mamer-Dippech, Foulscht-Préizerdaul oder Wäisswampech-Wilwerdang?

D'Agente vun de Brigade vun deenen eenzelne regionale Servicer wëssen aus joerelaanger Erfahrung zu wéiengem Zäitpunkt op wéienge Stroossenabschnitter besonnesch vill Fräschen a Mouken ënnerwee sinn. Do wou et méiglech ass, ginn zum Beispill all Joer während gewëssen Zäite wéineg befuere Stroosse gespaart, respektiv Hiweisschëlde fir d'Automobilisten opgestallt.

Et ass och alt op Plaze mat mobile Paraventen op deenen zwou Säite laanscht d'Strooss geschafft ginn. Dee Moment goufen Eemerer an de Buedem gesat, wou d'Fräschen an d'Mouken dragefall sinn an duerno goufe si op déi aner Stroossesäit transportéiert bis iergendwann d'Eemerer eidel bliwwen sinn. Nodeems awer d'Eemerer ëmmer méi oft verschwonnen sinn, huet misse mat dëser Method opgehale ginn.

Déi fest Virrichtungen (zum Beispill quadratesch oppe Kulange laanscht d'Strooss a Réier déi ënnert der Strooss duerch op déi aner Säit féieren), déi et de Fräschen a Mouken erlaben, sécher op hir Läichplazen ze kommen, sinn net opgrond vu konkrete Richtlinne gebaut ginn. Si sinn zustanekomm duerch Recommandatiounen vun der Natur- a Vulleschutzliga an duerch eng enk Zesummenaarbescht tèschent de Naturschutzorganisatiounen a Ministère a Verwaltungen, an natierlech duerch d'Bereetstelle vun deenen dozou noutwendige Kreditter. Fir esou Equipementer niewent der Strooss muss natierlech och genuch Plaz zur Verfügung stoen, wat awer net ëmmer de Fall ass.

Doriwwer eraus huet d'Stroossebauverwaltung sech nach ëmmer beméit dofir ze suergen, datt esou wéineg wéi méiglech Fräschen a Mouken op der Streck solle bliwwen.

Als Annex zu dësem Dokument fannt Dir de Relevé vun all de Stroossen, iwwert déi d'Fräsche wandere, mat de gefrote Renseignementer.

Doraus geet zum Beispill ervir, dass ob 19 Strecken Moukentunnellen („crapaudsducs“) gesat sinn an op 30 Plaze Barrièren zum Asaz koumen.

Des Weideren ass d'preliminär Lëscht vun der ANF nach amgaangen ausgeschafft ze ginn, mä se enthält schonn déi folgend zousätzlech Standuerter:

- C.R. 112 Buschdorf - Boevange
- Clervaux - Camping Reiler
- C.R. 118 Lauterbur - Scheitgen
- C.R. 149 Erpeldange - Ellange
- Diekirch Bamerdall - Friedhaff
- C.R. 345 Mertzig - Dellen (Turelbaach)
- C.R. 345 Mertzig - Carelshaff
- C.R. 307 Wahl - Buschrodt
- N. 12 Lehrhaff - Hierheck
- N. 27 Esch-sur-Sûre - Lultzhausen

- Blumenthal
- Fischbach, Plankenhaff
- Geyershaff - Jakobsbiere
- C.R. 306 Glabach - Scheierhaff
- Rameldange, "an der Retsch"
- Zolwer - Ehlerange
- Remerschen
- Ellange, rue de la Gare, rue du Cimetière
- C.R. 119 Schrondeweiler - Aechelbuer (Deifebaach)
- C.R. 123 Cruchten - Schleederhaff
- C.R. 123 Cruchten - Essingen
- C.R. 306 Glabach - Scheierhaff
- Steinsel, rue Basse
- C.R. 353 Bastendorf - Braneburg (Weiler)